

INUIT ATAQATIGIIT

Inatsisartuni



UPA 2019/43
8. maj 2019
Sofia Geisler

Meeqqat Atuarfianni atuartut akornanni nakkarsaasarneq pinaveersaartinniarlugu periusissiamik kingusinnerpaamik UPA2020-mi saqummiunneqartussamik Naalakkersuisut peqquneqarnissaannik Inatsisartut aaliangiiffigisassaattut siunnersuut. Periusissiap atuutsinneqalernissaanut suliniutit assigiinngitsut qaqugukkut aallarnisarneqarnissaannut piffissalersuut ilanngunneqassaaq.

(Inatsisartunut ilaasortaq Aqqa Samuelsen, Inuit Ataqatigiit)

Aqqa Samuelsen siunnersuutitut qaqitannut qujanaq.

Puujorsimagutsigu eqqaasippatsigut inoqatinik nakkarsaasarnerup – sammineqartup maani oqaluuserineqarnerani aamma pimmatiginninnermik taaneqartup - qanoq ileqqussaannngitsigineramik qanorlu peqqinnanngitsigineramik.

Inoqatinik nakkarsaasarnerup ileqqup qanoq pitsaanngitsigineramik pinngitsoorniarnissaanillu angerlarsimaffik qitiuvoq. Qitornanut akisussaanerpaapput angajoqqaat, inooqataaniarnermilu ileqqussanik pitsaasunik ilikkartitsisussat siullerpaat.

Taamaakkaluartoq ilisimavarput inoqatinik nakkarsaaneq meeqqat, inuusuttut inersimasullumi akornanni annertuumik atugaammat. Immikkut ukkatarinissaa pingaaruteqarpoq, tassanilu meeqqeriviit, meeqqat atuarfii ilinniarfiillu inuusuttut aqusaartagaat immikkut sammineqartariaqarsorinarput. Eqqumaffigiuartariaqarparpummi ileqqup kusananngitsup malitsigisinnaasai inunnut ataasiakkaanut annertusinnaaqimmata nuanninngilluinnarsinnaallutillu.

Nuannaarutigivarput siunnersuutip Nalakkersuisunit ilalerneqarnera, naatsorsuutigineqassaarlu sulineq soorunami tungitsinniit malinnaaffigineqarumaarmat.

Qulequtap sammineqartup ataatsimiititaliamut susassaartumut ingerlaqqinnissaa Inuit Ataqatigiinniit innersuussutigissavarput.